

19-10-2016 FAX 0339 731754

ԾԱՅՐԱԳՈՒՅՆ ՊԱՏՐԻԱՐԻ
ԿԱԹՈՂԻԿՈՍ
ԱՄԵՆԱՅՆ ՀԱՅՈՑ
ՄԱՅՐ ԱԹՈՒՆՍՈՒՐԻ ԷՋՄԻԱԾԻՆ



SUPREME PATRIARCH
CATHOLICOS
OF ALL ARMENIANS
MOTHER SEE OF HOLY ETCHMIADZIN

Թիվ 1388

19 հոկտեմբերի, 2016 թ.

ՉԻԼԻՆԿԻՐՅԱՆ ԱԳԱԿԻՐ ԸՆՏԱՆԻՔԻՆ

Սիրելիներ,

Ցավով տեղեկացանք մեծանուն գրող, հայոց Յեղասպանության նահատակ Ռուբեն Սևակի դստեր՝ Շամիրամ Չիլինկիրյան-Սևակի մահվան մասին:

Հանուն Գերագույն Հոգևոր Խորհրդի և Մայր Աթոռ Սուրբ Էջմիածնի միաբանության՝ Մեր ցավակցությունն ու սրտակցությունն ենք բերում հանգուցյալի հարազատներին և բոլոր վշտացյալներին:

Բարեհիշատակ Շամիրամ Սևակի անցած երկրավոր ուղին ներկայացնում է Յեղասպանության պատճառով որբացյալ հայ մանուկների դժվարին ու տառապալի ճակատագիրը, բայց և ամուր կամքն ու վճռակամությունը՝ նեղությունները հաղթահարելու, վեր հանելու, ապրելու ու բարի գործեր արարելու: Հոգելույս Շամիրամը դեռ փոքրիկ երեխա էր, երբ Եղեռնի արհավիրքների մեջ հայրը բանտարկվեց ու սպանվեց, և նա չկարողացավ ճանաչել իր սիրասուն ծնողին: Բայց Ռուբեն Սևակի հետ հաղորդակից դարձավ նրա արժեքավոր ստեղծագործությունների միջոցով: Մեծանուն հորից ժառանգած հայրենամոլորունի ու ազգասիրության ոգով լուսահոգի Ռուբեն Սևակի մեծագնիվ դուստրը աստվածաշնորհ իր կյանքն ապրեց ազգիս մեծանուն գրողի ժառանգությունը տարածելով: Նրա համար մեծ մխիթարություն են եղել Մայր Հայրենիք այցելությունները և այստեղ Ռուբեն Սևակին նվիրված միջոցառումներին մասնակցությունը: Ձերմությամբ ենք հիշում, որ երեք տարի առաջ Մայր Աթոռում Ռուբեն Սևակի եղբորորդու՝ Հովհաննես Չիլինկիրյանի բարեբարությամբ, նրա կողմից արժեքավոր կտավների, Ռուբեն Սևակի հեղինակած նկարների, անձնական իրերի ու փաստաթղթերի, ցուցամուշների ընծայաբերմամբ տեղի ունեցավ Ռուբեն Սևակի թանգարանի բացումը, որը մեծ խանդավառությամբ և ուրախությամբ էր համակել Շամիրամ Սևակին:

Ի խորոց սրտի Մեր աղոթքն ենք բարձրացնում առ Ամենողորմ Տերը, որ արարչական Իր սիրով երկնային բարձունքներում խաղաղություն և հանգստություն պարգևի հանգուցյալ մեծագնիվ տիկին Շամիրամի լույս հոգուն: Այլև հայցում ենք Սուրբ Հոգու մխիթարությունը մնջեցյալի ընտանյաց անդամներին, հարազատներին և մերձավորներին:

«Յիշեցդ Տեր զհոգի նորոգ մնջեցելոյն և հանգուսցդ զնա ի լոյս երեսաց Աստուածութեան Իւրոյ. ամեն»:

Վշտակից սիրով և օրհնությամբ՝

ՋԱՐԵԳԻՆ Բ
ԿԱԹՈՂԻԿՈՍ ԱՄԵՆԱՅՆ ՀԱՅՈՑ